

摘藻堂四庫全書薈要

集部

欽定四庫全書薈要卷一萬八千三百二十一

真部

御選宋詩卷十四

五言古詩五

黃庭堅

古詩二首上蘇子瞻

錄一首

江梅有佳實託根桃李場桃李終不言朝露借恩光孤
芳忌皎潔冰雪空自香古來和鼎實此物升廟廊歲月
坐成晚煙雨青已黃得升桃李盤以遠初見嘗終然不

可口擲置官道旁但使本根在棄捐果何傷

別楊明叔

楊君清渭水自流濁涇中今年貧到骨豪氣似元龍男
兒生世間筆端吐白虹何事與秋螢爭光蒲葦叢

次韻曾子開舍人游籍田載荷花歸

維王調玉燭時夏雨我田壁挂蒼龍骨溜渠故濺濺三
推勸根本百穀收阜堅官司極齋明崇丘見斥煙繫馬
西門柳憶聽去夏蟬剝芡珠走盤鈎魚柳貫鮮埽堂延

枕簟公子氣翩翩自爾欲繼往阻心如壅泉紫微樂暇
日披襟詠風連紅妝倚荷蓋水鏡寫明蠲美物亦有實
翦房助加籩珠宮紫貝闕足此水府仙鬱鬱冠蓋宅追
弄易彫年能從物外賞真是區中賢仍聞載後乘籠燭
照嬋娟

拜劉凝之畫像

棄官清潁尾買田落星灣身在菰蒲中名滿天地間誰
能四十年保此清淨退往來澗谷中神光射牛背

子瞻畫叢竹怪石伯時增前坡牧兒騎牛甚有
意態戲詠之

野次小崢嶸幽篁相依綠阿童三尺箠御此老叢棘石
吾甚愛之勿遣牛礪角牛礪角尚可牛鬪殘吾竹

子瞻詩句妙一世乃云效庭堅體蓋退之戲效
孟郊樊宗師之比以文滑稽耳恐後生不解故
以韻道之

我詩如曹鄴淺陋不成邦公如大國楚吞五湖三江赤

壁風月笛玉堂雲霧窗句法提一律堅城受我降枯松
倒澗壑波濤聽春撞萬牛挽不前公乃獨力扛諸人方
嗤點渠非晁張雙但懷相識察牀下拜老龐小兒未可
知客或許敦龐誠堪壻阿巽買紅纏酒缸

次韻吳可權題餘干縣白雲亭

曩誰築孤亭勝日有感遇永懷劉隨州因榜白雲句遺
老不能談歲月忽成屢綠陰斤斧盡華屋風雨仆吳侯
七閩英宰縣有真趣絃歌解民愠根節去吏蠹材收佛

宮餘工有子來助厦成燕雀賀水滿鳧雁翥四海名士
來一笑佳客聚雲興碧山留雲散清江去斯須成蒼狗
皆道不如故至人觀萬物誰有安丘處寄語吳令君但
遣糟牀注

三月辛丑同徐靖國到愚溪過羅氏修竹園入
朝陽洞蔣彥回陶介石僧宗廣及余子相步及
余於朝陽巖徘徊水濱久之有白雲出洞中散
漫洞口咫尺欲不相見介石請作五字記之

意行到愚溪竹輿鳴擔肩冉溪昔居人埋沒不知年偶
託文字工遂以愚溪傳柳侯不可見古木陰濺濺羅氏
家瀟東瀟西讀書園筍茁不避道檀欒搖春煙下入朝
陽巖次山有銘鐫蘚石破篆文不辨瞿李表嵌寶響笙
磬洞中出寒泉同遊四五客拂石弄潺湲俄頃生白雲
似欲駕我仙吾將從此逝挽牽遂回船

同宋景瞻分題汴上行

東風何時來堤柳芳且柔河水日已銷漫漫春水流寒

梅未破萼芳草綠猶稠歲月不我還念此人生浮高車
無完輪積水有覆舟鹿門不返者誰得與之游

過家

絡緯聲轉急田車寒不運兒時手種柳上與雲雨近舍
傍舊傭保少換老欲盡宰木鬱蒼蒼田園變畦畛招延
屈父黨勞問走婚親歸來翻作客顧影良自哂一生萍
託水萬事雪侵鬢夜來風隕霜乾葉落成陣燈花何故
喜大是報書信親年當喜懼兒齒欲毀齒繫船三百里

去夢無一寸

元翁坐中見次元寄到和孔四飲王夔王家長
韻因次韻率元翁同作寄溫城

雨罷山澤明日長花柳困游絲上天衢觀物得無悶時
從顧曲人筍饌酌春醞季子未識面想見眉目俊新詩
如鳴絃快讀開鄙吝銅官魯諸生仕道三無愠比來工
五字句法妙何遜枯葦覆吳圖青簡現秦燼葉暗黃鳥
時風號報花信遙仰吟思苦江錦割向盡應煩王公子

又破黃金印

寄陳適用

日月如驚鴻歸燕不及社清明氣妍暖疊疊向朱夏輕
衣頗宜人裘褐就梳架已非紅紫時春事歸桑柘空餘
車馬跡顛倒桃李下新晴百鳥語各自有匹亞林中僕
姑歸苦遭拙婦罵氣候使之然光陰促晨夜解甲號清
風即有幽蟲化朱墨本非工王事少閒暇幸蒙餘波及
治郡得黃霸邑鄰陳太丘威德可資借決事不遲疑敏

手劈秦華頗復集紅衣呼僚飲休假歌梁韻金石舞地
委蘭麝寄我五字詩句法窺鮑謝亦歎簿領勞行欲問
田舍相期黃公壚不異秦人災我初無廊廟身願執耕
稼今將荷鋤歸區芋畦甘蔗觀君氣如虹千輩可陵跨
自當出懷璧往取連城價賜地買歌童珠翠羅廣廈富
貴不相忘寄聲相慰藉

讀方言

八月梨棗紅繞牆風自落江南風雨餘未覺衣衾薄壁

蟲憂寒來催婦織衣著荒畦杞菊花猶用充羹臙連日
無酒飲令人風味惡頗似揚子雲家貧官落魄忽聞輶
軒書澀讀勞輔鰲虛堂漏刻間九土可領畧願多載酒
人喜我識字博設心更自笑欲過屠門嚼往時抱經綸
待價一丘壑卜師非熊羆夢相解靡索所欲我未奢儻
使耕可獲今年美牟麥厨饌豐餅飴摩挲腹中書安知
非糟粕

曉放汴舟

秋聲滿山河行李在梁宋川塗事雞鳴身亦逐羣動霜
清魚下流橘柚入包貢又持三十口去作江南夢

發舒州向皖口道中作寄李德叟

黑雲平屋簷晨夜隔星月曉裝商旅前冰底泥活活野
人侵畔耕蹇馬不能滑駝裘惜蒙茸俱落水塘缺孤邨
小蝸舍乞火乾履襪前登極崢嶸他日飛鳥沒寒花委
亂草耐凍鳴風葉江形篆平沙分派回勁筆髯弟不俱
來得句漫刮刷却望桐安城唯有松鬱鬱遙知浦口晴

諸峯見明雪

秦觀

田居四首

錄一首

入夏桑柘稠陰陰翳虛落新麥已登場餘蠶猶占箔隆
曦破層陰霽靄收遠壑雌蜺卧淪漪鮮飈泛聚薄林深
鳥更鳴水漫魚知樂羸老厭煩歎解衣屢盤礴蔭樹濯
涼颼起行遺帶索冢婦餉初還丁男耘有託倒筒備青
錢鹽茗恐垂橐明日輸絹租鄰兒入城郭

春日雜興十首

錄二首

飄忽星紀徂青陽，迫遲暮鳴飛各有適。赤白紛無數，雨
砌墮危芳。風軒納飛絮，塞帷香霧橫。岸幘雲峰度，林影
舞窗扉。池光染衣履，參差花鳥期。蹭蹬琴觴趣，撫事動
幽尋。感時遺近慕，秣馬膏余車。行行不周路。

東方有美人，容華茂春榮。抱影守單棲，含睇理哀彈。聲
意一何切，所歡邈雲漢。徒然事膏沐，孰與徂昏旦。微誠
浪自持，嘉月忽復晏。巧轉度虛櫺，飛紅觸幽幔。歲歲芳

草滋夜夜明星爛合并會有時索居不必歎

和孫莘老題召伯斗野亭

淮海破冬仲雪霜滋不平菱荷枯折盡積水寒更清輟
棹得佳觀湖天繞朱甍信美無與娛濁醪聊自傾北眺
桑梓國悠然白雲生南望古邗溝滄波帶蕪城邨墟翳
茅竹孤煙起晨烹簷間鳥聲落客子念當行攬衣視日
景薄陰漏微明何時復來遊春風發鮮榮

陪彥瞻遊金山和子由詩

江流會揚子，洶洶東南驚。海門劃前開，金山屹中據。鼓
鐘食萬指，金艘棲千柱。夜庭遊月波，曉觀搏香霧。天清
猿鳥哀，風暗魚龍怒。雲物橫古今，濤波閱晨暮。三州氣
色來上下，端倪露偉哉。元氣間此勝，知誰聚念昔。憩精
廬，登臨輒忘去。汲新試團月，飯素羹魁芋。妙興入芳藤，
真境在芒屨。別來星暑換，寤寐經從處。忽蒙珠璧投，了
與雲巒遇。幽光炯肝肺，爽氣森庭戶。區中多滯念，方外
饒竒趣。寄語山阿人，冷然行復御。

同子瞻端午日遊諸寺賦得深字

太史抱孤韻暢懷在登臨別乘載鄒枚佳辰事幽尋參
差水石瘦窈窕房櫳深清磬發疎箔妙香橫素襟復登
宰堵波環回矚嶽峯雙溪貫城郭暝色帶孤禽涼颺動
爽籟薄雨生微陰塵想澹清漣牢愁洗芳斟揮策訂往
古援毫示來今愧無刻燭敏續此金玉音

海康書事十首

錄一首

荔子無幾何黃柑竟如許遷臣不惜日恣意移寒暑層

巢俯雲木信美非吾土草芳自有時
鴟鳩何闕汝

晁補之

冉冉孤生竹

冉冉孤生竹託根中谷卑
結髮事君子江籬近華池
江籬榮有時迨此春冰期
玉盤有佳飧思君以忘饑
棗下何纂纂朱實亦離離
秋風一披拂苑其為枯枝
願垂太陽惠照妾葵藿微

涉江采芙蓉

涉江采芙蓉江上零露滋方舟不能度日暮白蘋悲清
波有鳴鴻蕩漾安可期幸因南風逝寄言欽所思

虛齋

虛齋閉疎窗竹日光耿耿更無司業酒但有廣文冷人
憐出入獨自喜往還省時作苦語詩幽泉汲修綆

直舍即事

秋雲多重陰凌旦亦可樂虛齋坐亭午寒雨依高閣王
官有憂責霖潦河未落孝先但欲眠不奈弟子謔黃花

迫晚景白露下叢薄獨當慰佳節得酒自斟酌

和蘇翰林題李甲畫鴈

畫寫物外形要物形不改詩傳畫外意貴有畫中能我
今豈見畫觀詩鴈真在尚想高郵間湖寒沙瑣瑣冰霜
已凌厲藻荇良瑣碎衡陽渺何處中沚若煙海

晁說之

六月五日池上

蒼然暮色來初月光尚微河漢亦不高仰看天四垂衆

星亦何多粲若天圍碁忽驚毛骨清溥露我衣放杯
折荷花中有千丈絲織為芙蓉裳可作江湖歸

麥

層雲披雨來四郊樹木蒼東風吹春泥尚帶花藥香年
華不可駐倏見夏日長近傳陵陂麥宿昔青已黃鄰舍
思煮餅隔牆聞沸湯里胥忽在門先當輸官倉

從宋憲登萬景樓

勝地開傑觀大川壯重關使者領我來共此須臾間玉

節照綠野銀瓶落青綸酒酣望八極氣豪吞百蠻俯歸
二江水遠指三峩山遂令蒼茫外盡在顧盼間崔嵬凌
雲寺繚繞含風灣洲渚遞隱見煙霞渺爛斑靜看浮鷗
沒坐數昏鴉還作者必磊落後來莫能攀不減鸛鵲樓
可想熊豹顏下有安樂園惜哉半荆管誰其為起廢歎
息歲方艱

遠望

山近色未佳山遠看始好我居巴峽內所向苦奔峭清

晨望西南忽盡牂牁微時於蒼茫外寸岫出林表雲來
翳遙碧眇眇沒飛鳥方知勝絕處略已領其要何必親
躋攀辛勤事幽討平生謝康樂往來永嘉道此意當未
知躡屐空至老

樂溫道中

路經新峰驛薄暮聊解裝頽垣生秋草庭廡亦已荒北
風吹空林宰宰葉墮廊夜寒不能寐起坐心彷徨出看
天欲明疎星淡無光征夫稍速駕起拂車上霜墟中始

辨道迢遞征途長樹色共空闊晨光尚蒼茫雞鳴始知
邛漸覺暎朝陽青煙出林際滯穗或在場感茲田舍樂
慨然懷故鄉黃金百鎰盡失路徒悲傷

秋日送客梁山道中

白露下木末寒蛭抱枝鳴道旁幾官樹稍稍栖鳥驚不
知何為爾蕭瑟來秋聲遙山斂暝色涼月含空明吾其
及清夜登車可徐行露幘受新爽風襟濯輕塵兀兀寄
殘夢泠泠析餘醒東行二十里斗落參復橫晨光明紫

霞銀潢淡疎星吾行不可緩曉復塵沙生

合江縣舟中作

春江漲滿流漸沒灘上石是時三日霖壠麥半腐黑四
顧雲氣昏江樹生遠色蒼茫何所辨目盡千頃白汗漫
若無際空濛如有靦蕭蕭雨中帆正此遠行役馮夷喜
我至歸路風愈力中流浪為開蕩漾放舟入恍疑瀟湘
游白蘋了無跡故人樓中望天際應可識

梅

微陽回孤根霜雪破餘凜顏紅發春鮮膚粟憐夜永輕
風送幽香缺月散清影寒鳥忽飛來伴此一枝冷

晁詠之

初行山

靄靄初蒸雲落落欲墜石山深多晚花照水自紅碧漁
艇入煙小松竹凌煙直西風漾碧波扁舟恣歌側客從
北方來苦遭世俗迫登臨雖夙願山川多未識浩蕩涉
寒流躋攀並蒼壁捫蘿窺鳥道踏逕窮人迹清泉洗塵

心山鳥慣幽客逸興良未已日下千崖赤十載孫興公
好具登山屐

晁冲之

送王敦素

先君有六女所託皆高門季也久擇壻晚得與子婚子
家望海內實惟謫仙孫筆力有家法勢作風雷奔結交
多英豪坐致名譽喧憶昔識子初河流出崑崙中間一
再見騏驥始伏轅去年接同居底裏見所存磊落忠義

人愛國憂黎元使當元祐時密勿與討論上可叅廊廟
下可裨諫垣惜哉不遇知白髮早已繁卑官不可說感
激猶主恩爛熳有歸期繫舟古槐根祖餞無酒食贈遺
請以言子家鍾山下隨事有田園竹徑背古寺草堂面
江邨高軒納翠微修筒引潺湲林影散書帙山色搖酒
樽日飲建康水時登謝公墩沈酣左氏學浩蕩極辭源
客至勿多語欲吐且復吞書來無忽忽慰我別後魂

次韻集津兄會犀從王敦素宿王立之園明日

西征馬上寄示諸人

以道嘗監陝
府集津倉

秋高訪幽居風急桑未落天寒雞犬靜地僻門巷闊主
人避世賢自說久栖泊呼兒出樽罍梨栗亦不惡賓主
四五人談笑動林薄夜闌慘無懽離憂條中作兄也天
下士千金輕一諾揮斥楊墨徒正是鄒魯學如何但銀
魚生事了無託惜哉桃李姿見笑葵與藿雞鳴驅車行
令人意參錯

雪效柳子厚

月落雞聲寒曉色靜茅屋開門驚不知夜雪壓脩竹槎
牙生新冰鱗甲刻溪谷晶晶洲渚明冽冽川原肅孤蹲
雀不動沈酣客猶宿呼童晨汲歸獨漱寒泉玉

張耒

鄙性嗜酒親友所知也紹聖丙子得官明道寓
居宛丘職閒無事終日杜門人知其好飲或饋
之酒不問寒暑日輒數酌飲雖不多而樂則有
餘因讀淵明飲酒詩竊愛其文詞而慕其放達

因次其韻嗟予與淵明神交於千載之上豈敢
論詩哉直好飲者庶幾耳得詩一十九首

錄二

首

我欲常飲酒俗事苦奪之飲酒不得醉何如未飲時顛
倒衆譏笑佳處正在茲念此雖杜門濁酒日常持

處樂非縱情處靜非避喧豪夸與枯槁彼各據一偏悠
然獨樂處在我不在山羲皇迹已遠三酌呼可還一尊
每獨睡不待賓客言

莎雞

金風肇殘伏玉樹先秋涼
嚶嚶草間蟲感時振衣裳
楚客萬里思夜吟怨藜牀
勞勞終夕語共此簷月光
孤輪曳獨繭折管韻哀鏘
辛苦幽父兄無衣畏風霜

宿虹縣驛

長堤溢舟車上下無暫歇
煎熬古驛門聒聒爭瑣屑
東南淮浙富輸饋日填咽
楚風習喧卑吳舌動嘲啞
平生耽靜意投鬧劇含噦
况茲道路勤強食慰饑渴
年來高

洛興久與泉石結終當卜吾廬雲山對華髮

發岐亭宿故鎮三首

我別竟陵時楚稻如碧絲秋風發齊安稻穗如植旂流
年去荏苒客路何逶遲弛擔中秋下永負山中期

乘月入秋山月午山蹊靜森森松竹林夾道散疎影陰
風留暗壑白露蒙朝嶺耿耿邛雞鳴坐感單衣冷

征人不敢安葍食待明發潤衝石上雲冷踏松間月艱
難付一笑歲月驚屢閱偃亞道旁松茯苓應可掘

獨遊東園

清曉步東園獨遊
悵無侶孤蒲綠已深
鶯戲春塘雨取
酒就花傾
隔林邀客語
歸來春興闌
睡起日亭午

次韻曾存之官舍種竹

曾郎風塵外不似宰官身
吏舍數竿竹鑿池水粼粼
此君不可疎亦復未易親
虛心澹相授頗似南郭鄰
我知王子猷正是君輩人

白樂天有渭上雨中獨酌十餘首
傲淵明余寓

宛丘居多暇日時屢秋雨做白作得三章

一錄

首

罷官卧窮巷值此雲物秋連延經旬雨城市欲行舟柱
礎變坳堂瓦溝成暴流蕭然殘暑退寒事戒衣裘老人
朝睡足起坐梳白頭呼童飭晨餐新濕爨婦愁洗我朱
提杯不復具有羞一觴已徑醉萬事良悠悠

臨文

一病廢百嗜好文心未忘南窗納虛明羅列陳縑緙茫

昧考巢燧典章斷虞唐清妍進屈景雋永旌蘇張少狂
不自料遇事形文章誤逢作者歎固復力披攘蹉跎生
白髮始抽石室藏粗見漢家事濡毫時否臧文詞比工
祝不殊公卿行何用疲心精舍本棄耕桑讀賦意凌雲
律令尊張湯榮華繫遇合才技無短長頗師老氏術抱
朴和其光無營以卒歲刻意翰墨場

寓陳雜詩

清夜何晏晏客睡亦復佳鄰鐘喚我覺咽咽聞城笳披

衣行中庭星漢已橫斜
缺月挂西南皎皎流清華
莎雞振其羽蟋蟀旁悲嗟
悠悠哉歲已秋日月如奔車

疲馬斃枯草閉門苔蘚深
閒坊居人少秋日踈槐陰
境寂心亦閒蕭然散巾襟
靜中有深趣因見至人心
谷神古不死茲理良可尋
無令兒輩覺一撫無絃琴

念昔為吏日朝夕羨人間
解印出公府翛然若歸山
衡茅三畝居無客門常關
早眠而起晏永日或不冠
故人遠寄酒為致一醉歡
我亦領其意呼兒具杯盤
長閒貧

亦好安用朱其轡我生本蓬華久已傲饑寒

古意效東野二首

與君雖異坊和涼各平分已遣月入牖更教風掃門照
君幌中寢拂君堂上塵綢繆似衣帶終日遶君身
扇不風自涼身不蘭自香深居不出闕幽獨更清揚為
鵲栖君樹為燕巢君堂不食亦可飽況乃餐輝光

沈丘道中

霏霧沈遠星芳林語春鳥客眸帶餘睡馬力健清曉凝

煙披草際初日動林表心隨和風快興與飛雲香芬菲
悵已晚夏陰生桑棗慷慨一據鞍此懷殊未了

寄參寥

春風入楚鄉與子別經歲有客過我門攜君尺書至昔
我出京師倉皇省家事遂令千里別不一執君袂又聞
子亦行杖履苦飄駛雖成相思詩欲寫不可寄飄飄山
水夢時與飛錫值乃能以書來知子猶我記浮雲隨高
風聚散未可計遲君冰雪詩濯我塵埃思

旦起

漫漫東牖白開帷納晨光欠身推夜枕扣齒披朝裳瓦
盜汲石泉漱濯齒頰涼惟茲孟夏初宿雨清高堂栖鳥
起且啁露鷺鳴更藏悠悠晚花殷落落古柳蒼西舍初
鳴春東鄰出求糧客馬已別櫪商車欲踰岡義和一揚
輝羣動皆擾攘有生無不求誰得偃於牀人生但如此
勤苦亦可傷況我病倦翩飄飄信風翔永懷中林士栖
志煙霞鄉願言寄旅跡栖託以徜徉

和周楚望

宿雨生曉潤繁雲滋暑陰我居廢不葺常苦積雨侵果
墜厭風惡草沈知潦深拳拳抱幽歎耿耿嬰煩襟吾子
久不來幽居誰見臨飄然得秀句生我江湖心一官亦
漫爾勤苦安能任何當捨之去拂我塵埃琴饑寒仰五
斗求尺而亡尋悲哉復契闊誰復知我音

秋日晨興寄楚望

夜雨霽清曉浮雲散涼川幽人理青髮汲彼古井泉焚

香展素帙持珠諷妙言
晨暉澹悠揚秋霞麗紺天
萎花開露餘孤葉零
風前感此芳節晚長嘯心悠然
傾觴散滯念餐菊留華年
牢落歲暮心非君誰與宣

感秋呈宏父兼呈楚望

西風吹我舟繫纜岸邊
柳蕭蕭落船葉日夕煩我帚
心驚芳歲晚日月去如走
搔吾鬢間髮少壯寧復久
平生拙謀身辛苦為五斗
苟逃饑寒憂不敢擇所受
心因摧折低面苦塵埃垢
蹉蹉警前勇俛俛蹈新採
功名委之

命寧足計薄厚獨攜古人書千古相獻侑我烹亦有魚
我酌亦有酒非求與俗違聊以安吾守

西風中夜來飛雨隨以至攬衣不能眠起坐為涕泗炎
蒸雖云酷香草猶可佩清商來無情凋我蘭與蕙伊伊
草蟲悲裊裊露蟬嘒高粱燕如客鍛翮鷹方鷲乾坤今
無心萬物隨一氣如何於其間感愴坐自累置之勿復
道得酒但知醉陶然杯杓間瀟灑無餘事

浮雲無停陰急雨來清秋颯颯水上風吹我千里舟二

年客淮楚乞米充饑喉空堂堆詩書冷落妻子羞操舟
今何之漫浪為西遊豈不厭奔走貧賤無良謀人生天
地間如萍水中浮安得必所往南北但隨流達者知其
然委已任去留止若寄渚鴈行如浮海桴萬物本無事
百年漫多憂冥懷付造物俯仰余何求

西華道中

我行陳許郊千里平若掌居民雜荆榛耕少地多曠野
兔乍跳奔驚鳶或高颺喬林多疾風寒澗有餘漲棘籬

蔽茅屋雞犬入邨巷主人掃土榻秣馬具朝餉童兒汲
土井敗飯堆瓦盞勿悲為生陋自足無他望嗟予走薄
官奔走年將壯長抱羈旅愁何時稅歸鞅

感春

默坐不復出浮雲作朝陰離離簷間花隨雨下故林物
色一如此朱顏坐彫侵自歌陽春曲吾不待知音
午日步西園繁花亂相照天天海棠枝顧我如欲笑殷
紅點輕素含吐皆窈窕持贈東鄰子願言論久要

秋池

平生落莫意況此秋池側
寒水靜無波哀荷萎餘碧
蕭蕭動風鬢照影感新白
來往雙浴鳧爾生真自得

月夜懷陳永源

衆諠息遙夜爽氣清
煩襟慙慙低簾月入幌
來相尋平生學虛靜
每為多病侵卧想陳夫子
幅巾脩竹林

十月二十二日晚偶作

黯黯東牖暗寂寂吾廬閒
麤糲飽婦子首宿無餘盤
鴈

急天欲雨雞栖夕已寒老人袖手坐一杯聊自寬

喜雨

手種五色蕉意待聽秋雨南風扇旱雲破葉萎不舉滂
沱未終夕綠潤遽如許秀色入書幃已覺青鸞舞

牆東有高樹夏葉圓綠綺西風纔一夕蕭颯遽如許寒
螿號其顛蟋蟀曉未已羣動催流光榮華難久恃

三伏暑甚七月八日立秋是日風作爽涼炎酷

頓消老病欣然乃命酒成此二詩

錄一首

西風吹淡白窗戶含淒清炎涼一朝變徂暑逝不停山
堂曉瀟灑病叟中葛輕平時干雲樹芳葉亦復零

離黃州

扁舟發孤城揮手謝送者山回地勢卷天豁江面瀉中
流望赤壁石脚挿水下昏昏煙霧嶺厯厯漁樵舍居夷
實三載鄰里通假借別之豈無情老淚為一灑篙工起
鳴鼓輕櫓健於馬聊為過江宿寂寂樊山夜

宿樊溪

黃州望樊山秀色如可鑒扁舟橫江來山脚繫吾纜大
川失洶湧淺水澄可攬北風吹疎雨夜枕舟屢撼齊安
不可望滅沒孤城暗奔流略溪口龍脣屢窺瞰平生千
金質戒懼敢忘暫茲遊定何名耿耿有餘念

道士磯

匡廬奠九江苗裔遍南服橫江蔽原野內外實一族危
磯插江生石色擘青玉蛟龍穴亂石猱攫在喬木我行
季冬月江磧在山腹扁舟如鏡面清淨不可觸躋攀既

不可千古長幽獨
緬懷邃古初
巢居戒樵牧

離樊口宿巴河遊馬祈寺

扁舟下樊溪
江南正清瀉
曉登巴河岸
極目望春野
步尋修竹寺
古木爭偃亞
云昔孫仲謀
刑牲致師禡
雄圖邈已矣
英槩足悲吒
石梯造雲霧
丹白開廣廈
山僧安寂莫
畏冷不出舍
勞生渴間境
頓使我心寫
晚江平若席
風勢欲相借

晚歸寄無咎

雨氣入古屋薄帷生夜清想君擁鼻坐端學苦吟生泥
深欺我馬歸卧日半楹浩然有竒想非子定誰評

挈家同潘郎遊寒溪西山二寺并寄邠老

茲行頗閒適聊此山水間幸有所攜人臭味同一源山
蹊并脩澗嘉木間蒲蓮杉松開古刹始覺此溪寒孤亭
出屋背石磴相牽攀迎客窮道人俯僂鬢眉頽釋子具
粗糲雖貧有餘歡午登西山去路作九曲彎山禽慣不
驚夏木秀且繁緬懷紫髯公奠玉祠天壇豪強有餘韻

興廢無留觀空巖一泓泉引余掬清甘至人悲熱惱遺
此消昏煩我茶非世間天上蒼月團為爾惜不得烹啜
澆晨餐深谷晚易陰快雨時斑斑但見夾道松龍髯濕
蒼顏念我亦顏人

亦顏邠老
書齋名

深居閉柴闥不使倒珠玉

濟我胸中慳之官亦漫浪遇勝却盤桓平生據頑鈍信
命傲憂患言歸徒旅疲就蔭休征鞍

書館直舍

紫禁斷人聲蓬山轉春日樓外晚鼓傳城陰衛番出循

除擷新秀紅紫間疎密倚天黃金闕龍虎氣鬱律明時
職鉛槧寓直守編帙疎間謝裨補歲月感飄忽謝公山
林賞不為軒冕屈體道無朝野達情慙利物

秋日獨酌懷榮子邕

新秋一杯酒風雨早涼天眷言西鄰友咫尺莫能前豈
無病羸馬泥滑不勝鞭端居何為者落莫掩書眠高柳
颯已疎碧草留餘鮮哀懷感徂節客舍悲流年孤吟誰
與和獨酌還醒然新晴野路乾期子舍南邊

夜初涼

庭木舞風雨，清秋來我堂。
衾裯偃宵寐，燈火照新涼。
昔我來清潁，庭花有晚芳。
坐看桐葉暗，已近菊枝黃。
歲月忽流駛，形骸變老蒼。
淹留應有命，通塞詎能量。
寂歷年華晚，優游永日長。
憂時非我事，黃卷有虞唐。

出長夏門

出郭心已清，青山忽相對。
游人傍水流，俯仰秀色內。
誰張蒼玉屏，中斷神斧快。
清伊瀉其間，銀漢曳天派。
參差

樓觀出杳靄林麓邃巖聲谷遠響水影弄空翠同遊得
君子同榮
教授興與煙霞會選勝雖自茲高懷已塵外

渡伊水

雙崖若爭妍秀色日相射游人夸水東揮榜渡清瀉潺
潺溪邊風五月自瀟灑中流望南北河漢自天下嗟予
水鄉客塵土困蹈藉江湖久懷歸無地稅征駕臨流動
長想照影久悲吒滄洲倘有歸功業付高謝

石樓

清溪若奔虬八鎖束其頸奔騰去莫脫擺掣恣驍猛嘈
嘈戰風霆萬鼓助其勁聲驅石崖動氣抱晴日冷我來
怯初登注視久乃定悠悠山川闊寸目羅萬景平生林
野趣疎放謝鞭警會期山月出一嘯清夜永

上方

足躡青玉磴躋攀不知勞回頭瞰木杪始覺所歷高孤
鳥去滅沒奔溪深怒號白日當畫梁青雲送微颺坐久
神慮平微涼清骨毛但驚塵垢客俯仰近赤霄古壁有

遺字昔人歎寂寥南風不知暑古木常蕭蕭

晚飯寶應

晚風吹古柏落照明空山深行得寶剎崖嶺相回環人
遠草木邃境幽魚鳥閒道人掃華堂延我具晚餐齋庖
野菊美石井新泉寒既飽陟上方浮香出林端平生麋
鹿志强學伏車轅塵懷造勝絕欲去猶三歎

廣化過雨

浮雲蔽高峯臺殿延晚色風聲轉谷豪雨脚射山白東

樓瞰虛明龍甲排檜柏蕭森異人境坐視動神魄撞鐘
寺門掩晚霽尚殘滴相攜下山去塵靜馬無迹歸來解
鞍歇新月如破壁但恐桃花源回舟已青壁

陳師道

觀堯文忠公家六一堂圖書

生世何用早我已後此翁頗識門下士略已聞其風中
年見二子已復歲一終呼我過其廬所得非所蒙先朝
羣玉殿冠佩環羣公神文煥王度喜色見天容御榻誰

復登帝書元自工黃絹兩大字一覽涕無從似欲託其
子天意人與同歷數況有歸敢有貪天功集古一千卷
明明並羣雄誰為第一手未有百世公廟器刻科斗寶
樽蟠華蟲緬懷弁服士酬獻鳴琤瑤插架一萬軸遺子
以固窮素琴久絕絃基酒頗缺供向來一瓣香敬為曾
南豐世雖嫡孫行名在亞子中斯人日已遠千歲幸一
逢吾老不可待露草濕寒蒼

寒夜有懷晁無斁

同好共城郭十日不一顧人事雖好乖吾生亦多忤
闔門對妻子歲月不可度閉目寧用遮停杯仍下箸獨無
區中緣永懷巖下趣平生三徑資安得一朝具萬里初
歷塊前驅告曛暮歸懷屬有思棄世不待怒老境厭透
遲人情費將護向來張長公吾亦從茲去燈花頻作喜
月色正可步預恐何水曹明朝有新句

和黃充實春盡游南山

逐勝缺勇功餞春無少色出門欲何向坂丸隨所擊百

年餘幾何十步復一息同來二三子楚楚復修飭行前
強老夫徑捷疲峻陟山門開煙霏禪房閉岑寂口燥沾
茗椀久厄此為德逐日下西山草路荒不識回溪轉鈎
曲門徑入繩直故人喜領客內媿積腸臆所來為親舊
婦除稱寥閔疾風無末勢過雨有餘瀝高花初欲然平
荷已如拭因君感哀盛醜好移頃刻交新壓區區話舊
聽歷歷談間十一二四座已傾側茅屋漏風霜山田帶
沙礫尚能哀此老舉手觸四塞君如澗底松超拔出天

壁學詩有新功黃魏共推激

生與魏衍
黃預游

咸平讀書堂

昔人三百篇善世已有餘後生守章句不足供嘯嚚一
登吏部選筆硯隨埽除閉閣畫眉嫵隔屋聞歌呼奉公
用漢律寧復要詩書俛首出跨下枉此七尺軀今代陶
朱公不作大梁屠計然特未用意得輕全吳為邦得畿
縣政密自計疎寧書下下考不奉急急符用意簿領外
築室課典謨平生五十卷還舍不問途近事更漢唐稍

以詩自娛復作無事飲醉卧擁青奴桃李春事繁軒窗
晝景舒鳴屋鳩渴雨窺簾燕哺雛休吏散篇帙風篁獻
笙竽听然一啓齒斯民免為魚

次韻答秦少章

學詩如學仙時至骨自換縹緲鴻鵠上衆目焉能翫子
從淮海來一喙當百難師儒有韓孟拭目互驚惋老生
時在傍縮手媿顏汗黃公金華伯莞爾回一盼彼方試
子難疾前不應懦要當攻石堅勿作搏沙散植壁雖具

美礧錯加璀璨我老不足畏後生何可慢

贈關彥長

少年初識字已誦子虛賦嘗疑天上人已離人間去蹉
跎二十年久自歎遲暮倦游梁宋間却踏江湖路此地
始逢君秋陽破朝霧白首鬢毛新青山顏色故問君何
為然竟坐文字誤人事久難知高才常不遇論人較賢
智富貴寧在數不見竹林詩山王俱不與湖塘發高興
山林有佳處迨此閒暇時觀游莫辭屢功名如附贅得

失何用顧但當勤秉燭長願隨杖屨

次韻應物有歎黃樓

一代蘇長公四海名未已投荒忘歲月積毀高城壘斯
樓亦何與與人壓復起紛紛徒爾為長劍須天倚循分
即可久吾行誰與止邇來賢達人五十笑百里賴有寇
公子衆毀聞獨美直氣懾狂童牽聯皆可紀少公作長
句班揚安得擬頗有喜事人睥睨欲槌毀一朝陵谷變
天語含深旨驚倒樓前人今朝有行履

贈魯直

相逢不用早論交，宜晚歲平生易諸公。斯人真可畏，見之三伏中。凜凜有寒意，名下今有人。胸中全無事，神物護詩書。星斗見光氣，惜無千人力。負此萬乘器，生前一樽酒。撥棄獨何易，我亦奉齋戒。妻子以為累，君如雙井茶。衆口願共嘗，顧我如麥飯。猶足填饑腸，陳詩傳筆意。願立弟子行，何以報嘉惠。江湖永相望。

次韻晁無斁夏雨

咫尺隔山海作書問如何蟻垤既畜糧蛙窟如鳴鼉積
暑天復雨斧斫仍手摩東臯繁草木蘭艾不同科驚魚
畏密罟獨鳥鳴南柯稍無蟲飛喧復覺禪語多卧聞夜
來雨歸種故山禾

城南寓居

遊子暮何歸韋杜城南邨秋水深可測挽衣踏行雲道
暗失歸處棲鳥故不喧牛羊蔽籬落稚子猶在門

次韻蘇公涉潁

衝風不成寒脫木還自竒坐看白日晚起行清潁湄路
暗鳥遺音江清魚弄姿字定怪物變意行覺舟遲公與
兩公子妙語含風漪但怪笑語劇莫知賓主誰得句未
肯吐鬱鬱見睫眉相從能幾何行樂當及茲

寄黃充

俗子推不去可人費招呼世事每如此我生亦何娛黃
生後來秀純茂靜者徒不見動經月來亦不須臾人事
已好乖可復自作疎子雖向人懶勝處不可孤迨此田

事休仍當秋雨餘深知阻泥濘步履意何如

寄參寥

平生西方願擺落區中緣惟於世人相從可忘年道
人贊公徒相識幾生前早作步兵語晚參雲門禪拾策
孤山下一室頗蕭然林昏出幽磬竹杪橫疎園昨日寄
書至坐想參寥泉此泉如此公遇物作清妍一別今幾
時綠首成白顛子亦憐我老我豈要子憐會逢萬里風
一繫五湖船酌我巖下水咽子山中篇

示三子

去遠即相忘，歸近不可忍。兒女已在眼，眉目畧不省。喜極不得語，淚盡方一哂。了知不是夢，忽忽心未穩。

田家

雞鳴人當行，犬鳴人當歸。秋來公事急，出處不待時。昨夜三尺雨，竈下已生泥。人言田家樂，爾苦人得知。

還里

曠土愛吾廬，游子悲故鄉。慷慨四方志，老衰但悲傷。虛

名自成誤失得畧相當暮年還家樂未覺道路長閭里
喜我來車馬塞康莊爭前借顏色草木亦晶光向來千
人聚一老獨徜徉手開南陽阡松柏鬱蒼蒼永願守一
丘脫身萬里航半生功名念倒海沆我腸款段引下澤
斷絃更空觴尚恐北山菊有文移路傍

平翠閣

我家山水間耳目厭華麗聞道浙西山經年通夢寐從
為遠遊客忘却歸來計欲置湖上田謝絕人間世湖山

多變態橫斜光氣異隨山轉朱閣臨顧窮幽邃惟存宣
公樓浮空堆亂翠疑是水仙人臨牆露高髻道人亦愛
山朝昏閱終歲最愛煙雨中半撩青羅袂我來悲歲晚
風霜埽昏翳不見嶺頭雲未盡登臨意

范祖禹

資州路東津寺

山行無晨暮日暝崖谷昏哀猿落客淚永路驚旅魂憑
陵高山巔俯視大江奔迴環島嶼合滌轉洲渚屯行雲

赴炎火飛鳥下蜀門地遐怪蛇聚寺古深殿存憶昔李
氏末煙塵暗中原奸雄競草竊割據窮海根干戈百年
後見此敗屋垣我來屬清秋登覽無俗喧山深虎豹歸
水靜蛟鼉騫臨風獨嘯叱浩蕩欲飛翻

蘇頌

坐久月初上

高軒微雨過初夕涼風生兀坐正幽寂雲間月華明移
榻向寒堦遙望孤蟾清所思故人遠對此傷予情

和丘林二君會程坦之家

天涯人未歸飄然江海上客心蓬任風歸路萍隨浪青
雲少知己白日多罹謗著書見窮愁倚門知骯髒皇皇
干名祿戚戚足羞讓豈特為身謀所懷慰親望昔人在
困躓寧復論得喪吾徒抱道義豈不保趨嚮勉希一簞
賢無慕千乘相卷舒各有時出處當自諒

送朱郎中壽昌通判河中府

邙詩詠凱風以成孝子志鄭人復君母傳稱能錫類中

郎常有懷生不識所恃登朝雖厚祿當食每忘饋念昔

鞠育勞嗟今出處異倚門豈不待兩求終莫致乳烏思

反哺哀鳴自垂翅百草搖春暉寧無謝生意灑血向穹

壤解組出臺寺馳驅咸雍郊歷訪經行地至行感神明

精神通夢寐悠悠大道傍親息忽相值紫綬拜北堂白

頭歸長嗣悲忻叙契闊恍如隔生事四紀世路殊一朝

版輿侍茲事昔未有聞者共驚喟帥守為之言詔趣還

官次當年二千石寵名非所利仕或便鄉關安用竹符

使蒲中母家近自屈為倅貳受命慰慈顏騰裝悵歸思
既徇報德心亦安效官智觴以萬壽薦衣成五綵戲無
復興寒泉何須賦大隧令人及聖善孝慈兩不匱贈言
述高風庶用激忠義

次韻蔣穎叔同游南屏見惠長篇

青山橫莽蒼萬石出南麓古刹表耆閣高聲聳犀玉居
惟擇岡巒近靡數松竹郡郭路非遙遊人春不宿陟巘
極躋攀循崖勞偃伏架筒引流泉跨嶺構重屋講坐據

妙峯禪堂對枯木幽尋難屢期將往誰能獨偶逢霜臺
客暫駐驄馬足聯步訪叢林終朝走郊牧相期方外游
頓忘河上曲夷路喜君騰高閣暫予東更聽名理言俯
愜心中欲況已證真常詎止齊寵辱願言挹清風可用
警浮俗

和蔣穎叔亳州矮檜

檜生本脩直此種特殊異高不盈尋丈廣乃遍堦砌短
榦自堅強附枝交蔭翳森然葆羽敬隱若虬龍墜不知

何代有本老色彌翠嘗聞古仙者應化在茲地手植有
遺跡深根幾千歲神靈應護持道宮存款識自此物色
繁因為圃人利封殖雖地宜屈蟠由巧智以彼凌雲姿
還同蔽牛類拳曲如能壽輪困不為器誰云矯生質終
亦遺世累詩伯一留題禪叢重增貴豈若榴檉然空傳
草木記

次韻君實內翰同游范景仁東園


鑿禁限沈深鰲頭雄鼉屬主人出休沐秋色正明麗偶

為東園游便有中林思縱言得造適覽物增意氣風清
濯煩襟日永忘歸轡朝野本無間簪組何用棄未必幽
棲人識茲真樂地

御選宋詩卷十四

謹案卷十三第十六頁前三行清興自吾輩按平
仲清江集吾作無與此異

卷十四第七頁前八行得句漫剖剝刊本剖剝作
奇崛據山谷集改



總校官庶吉士臣侍朝

校對官檢討臣蕭九成

騰錄舉人臣李駟

欽定四庫全書薈要

集部

御選宋詩卷十五

六

詳校官原任主事

臣李斯咏



欽定四庫全書薈要卷一萬八千三百二十二

集部

御選宋詩卷十五

五言古詩六

彭汝礪

高陽池

三年南雍居十至高陽池魚鳥如故人相忘不相疑但
持青蓮葉不倒白接羅我與之子游何似山公時

游峴首



去年冬少雪二月春始晴南游峴首山東下石頭城揉
藍染江水爛錦貼園英幽亭一杯酒不用千載名

薺

陰風號暮景零落悲晚秋紛紛彼芳薺鬱鬱此中丘作
甘豈不珍冒寒不為柔薄言擷以歸呼奴具晨羞

鄰雞

鄰雞號清晨客子起長道二儀久風雨百里生泥潦高
山險難登鈍馬行欲倒僕勞請休息西北日尚杲

寄春卿

相約童稚間遂成歲寒圖奈何離別多各自東西隅我
心明月輪子志青松株明月千里光豈為吳越殊青松
四時心豈為風霜枯相思不相見作詩報區區

大暑息林下

溪流轉東西日色不可障水風鼓炎熱如坐蒸炊上幽
林續山谷弛楫投清曠行矣難少留白雲在吾望

和彥衡直講

風隨月明來終夜共清白先生靜無語獨看庭前柏冠
帶褫客衣詩書捲塵迹好風此時來應與君相識

章藻

玉谿堂

堂因水得名方沼當其後漪瀾蕩棖楠窗戶挹花柳蟲
魚不避人鷗鷺若相友午枕夏簟涼此樂亦奚有

海棠軒

珍葩寄幽島正對孤軒植優柔自俯仰紅綠若組織春

酣晴日曛坐久濃香逼池面淨可鑑朝霞罩澄碧

潺玉亭

傍砌醜小渠回環是流水石蜃吐珠涎清響醒人耳風
微竹影碎月皎波光起颯爽無塵囂靜適心所喜

水閣

架木浮水中略約逼孤島扶疎花影反潑刺跳魚小風
月所得多經營信云巧隱几寂無人朱闌萃幽鳥

李昭玘

游白鶴觀

春歸數十朝八九不暇出萌芽日夜發百甯競撐突駕
言謁仙祠古象懷髣髴白鶴來何時蒼檜暮蕭宰雲霞
斷人世往事已荒忽解纓濯泉流深澈幾照骨毛寒不
敢視下必有神物昔人斯徜徉音影詎磨沒嗟予質汗
下見亦被呵吐仰慙逍遙游未忍塵土汨時須挹高風
為我一吹拂

從張聖塗乞石

先生築高隱趣好清且獨雲龍峯上石跋草自鑿斲發
竅號陰怪窮根攬坤腹山靈不敢愛鞭叱滿崖谷危攀
已穿履大載幾折軸直欲起巖巖未容買碌碌心營合
天造指化出神速突兀傲中巔憑陵勇雙矗獸蹲目睥
睨龍攬腰回感縮脰立幽鳥擎顛卧孤犢鯨鱗老廉利
猊角怒撐觸軒昂鶴引味聶扇龜跂足騰空快高思排
峭驚醉目伊余竭來游步百吟周復願從乞其餘伴我
東牆竹猿鶴莫相嗔此客意非俗常令月色照敢使塵

土辱日待風雨來起看空遶屋

泛泛水中鳧

泛泛水中鳧上下聲相呼徜徉信波浪澡濯羞泥汙晴
洲漾蘋荇兩岸眠菰蒲飲啄亦自足飛游誰我拘侯門
大池藥富屋夸庖厨何慚久垂翅未願輕投軀雖非黃
鵠舉幸與白鷺娛逃烹笑窮雁啄腐嗟饑烏三秋熟梁
稻萬里開江湖寄言澤中子何用張網羅

春日游西池

雨餘風日暖野塘春水滿天影倒浮人鏡光環射眼蘭
船不可上漠漠低煙晚歸路已埃塵滄波鳧鷖遠

李之儀

和參寂過敝廬留宿因見寄之韻為謝

及此仲春月頗欲謝遠步世味久已疎何憚魚生釜青
陰合廣除似失北門路端如雞在埒未媿豹隱霧飄蕭
方外游繾綣慰遲暮共待清光來軟語坐良樹呼風破
炎蒸叩齒却妄慮逡巡棲鳥驚不記衣上露臨分期屢

來此樂復誰與

撫掌泉

泓渟宿寒藻正占一山曲平時常湛然撫掌珠可掬喜
怒去千里氣類若相屬如何輒示異乃爾分遲速霜風
鼓橐籥巖樹響絲竹語出若有咎路轉疑絕續幽尋方
恨短博採日苦促便擬寄無餘拾策遂留宿

隱居書堂

山雲自往來人事久蕭索誰為插小松記此常棲泊坡

陀披淺麓窈窕帶遠壑著書方呻吟誰與會所樂鸞鳳
耿莫追歲月儼如昨隱約玉簫聲憔悴金七藥風來萬
籟奏一笑竟難約尚友徒此心相期在寥廓

邢居實

寄陳履常

十年客京洛衣袂多黃塵所交盡才彥惟子情相親會
合能幾日歡樂何遽央春風東北來飄我西南翔驪駒
已在門白日行且晚停觴不能飲將去更復返把腕捋

髭鬚悲啼類兒女人生非鹿豕安得常羣聚朝別河上
梁暮涉關山道匹馬逐飛蓬離恨如春草去去日已遠
行行淚橫臆昨日同袍友今朝離鄉客來時城南陌始
見梅花白回首漢江頭黃梅已堪摘杖策登高城極目
迴千里落日下青山但見白雲起遠望豈當歸長歌涕
如雨歸心如明月幽夢過潁汝抱膝長相思故人安可
見忽枉數行書彷彿如對面紛紜輦轂下冠蓋爭馳逐
吹噓多賢豪肯復念幽獨空齋聽夜雨深竹聞子規此

情不可道此心君豈知

雨後出城馬上作

既雨天氣佳微雲淡如埽欲尋煙際鐘騎馬河邊草紫
堪飽黃鸝人家夏蠶老田婦踏綠車隔籬語音好嗟我
一何愚讀書浪枯槁不及此中人終年客長道

葛格

與東坡同游廬山簡寂觀

淙流絕壁散靈煙翠洞深巖際松風清飄飄灑塵襟觀

卷十五
蘿翫猿鳥解組傲園林茶果邀真侶觴酌洽同心曠歲
懷茲賞行春始重尋聊將橫吹笛一寫山水音

林敏功

贈趙正之

君為稻田官君非力田科我今耕田夫為君奏田歌南
畝茨梁稼東郊煙雨蓑田家不作苦奈此歲暮何憫憫
望有年一失成蹉跎立苗非不疎稊稗常苦多小人剝
良善蓬蒿賤嘉禾去惡藉老農芟夷戒駢羅夫君邦之

彥妙年加切磋治國與治身此道終靡他人心不相遠
如以斧伐柯願君日顯榮吾言期不磨

林敏修

張牧之竹溪

有序

張牧之隱於竹溪不喜與世接客來蔽竹窺之或
韻人佳士則呼船載之或自刺舟與語俗子十反
不一見怒罵相踵勿顧也人或以少漫郎余獨喜
與古人意合乃作竹溪詩

幽間古城陰結屋清溪曲溪流湛回映上有青青竹漫
郎欣得之綠髮詠空谷高風及前修勝趣隨遠矚惡客
徒擾人立談非我欲麾去寧汝嗔真意聊自足或言不
當爾往往相誇讟答云豈我私恐作林泉辱源流別涇
渭臭味同草木肯當百事勝容此一物俗獨餘嵇阮輩
蕩槩戒臣僕濁醪澆古胸日沒還秉燭僕忝瓜葛後意
氣頗相屬平生幾緡屐共老三徑菊行年事無定此計
諾已宿徑須買牛衣兒亦荷書簾從子竹間游溪魚剝

寒玉

謝逸

王立之大裘軒

小人拙生事三冬卧無帳忍寒東窗底坐待朝曦上徐
徐晨光熙少少氣血暢薰然四體和恍若醉春釀此法
秘勿傳不易車百兩君胡得此法開軒亦東向蘇公名
大裘意豈在萬丈但觀名軒心人人如挾纊

閨恨

汲井澆我衣，伐石固我壙。塵埃不被體，寂無人徑通。洋
洋西江水，我車不敢渡。夙駕豈不早，早行畏多露。行止
既有義，離合亦有時。衆人豈無心，不如我所之。

謝過

與諸友汲同樂泉烹黃蘗新芽

尋山擬三飧，放箸欣一飽。汲泉注銅餅，落磴碎鷹爪。長
為山中游，頗與世路拗。矧此好古胸，茗椀得搜攪。風生
覺泠泠，祛滯亦稍稍。夜深可無睡，澄潭數參昴。

初夏觀園中草木

翠葉蕃夏初清陰勝花時閉闕軌長埽步屨園屢窺青
青溪中蒲移植井之湄下有九節根服食可不迷往時
手種桃只今與蒼齊枝間有美實少日將成蹊採菊香
滿襜擷薺甘如飴籜龍露新綠倚梧長孫枝觀身要若
蕉衛足當如葵節憐孤筠直惡戒蔓草滋天津白玉郎
看花驚洛師吾人守環堵草木相娛嬉逍遙各自適慎
勿相唐嗤

食藕

人憐淤泥土出此萬朵蓮須知淤泥中有藕大如椽本
清凝冰雪末豔方嬋娟玲瓏衆竅通蚴蟻數節連甘寒
固不數却暑最所便髯奴來城市負籠至我前開緘尚
帶泥未嚼先垂涎霍霍磨霜刀雷雷挹澗泉切玉墮冷
冽已覺沈疴痊芟實鬪角紫雞頭剝珠圓秋盤薦此果
頓使二物捐念此涅不緇餘品莫爭妍而能豁憂思令
我心歡然竒功更耐老合作飛行仙

喜劉世基至作詩留之

君家飛猿西我寄躍馬北躍馬望飛猿渺若千里隔十

載一會面一年三寄書書中無刺語只有問何如去年

秋風初君馬秣雲卧

名庵

鶴立望君來迴鞭不我顧今年

薰風後取道凌雲來

名山

解鞍渴我廬握手慰我懷胸中

所韞藏言下皆傾倒挽留莫恩恩索去還草草堂有鶴

髮母室有蓬首妻屋前虎豹怒屋後鼉鼉啼遠遊縱未

歸旅寓安得久三年勞夢魂一日接杯酒君歸太早計

此樂未易辭人事雖好乖興盡當語誰壯時須磨厲老
矣但跛躓荃蘭本同芳霜雪有一節君識飛猿句我和
躍馬詩他時兩相寄抑亦慰相思

雨後秋山

宿雨散層陰秀色還疊障如將螺子綠畫作長蛾樣光
浮竹木杪影落檐楹上何人妙盤礴淡墨寫屏幃五絃
豈須撫衆響亦清亮我病不出游素壁依藤杖舉觴酌
羣峯歲晚一相訪

灌園

春初韭爭妍秋末菘更好嗟我喜蔬食如人嗜羊棗何
嘗厭滋味政自樂枯槁念彼螻蝻蟲性命欲自保變相
驚蚓異將糖嫌蟹躁故於園日涉時此可食草邇來秋
雨餘三畝淨如埽畦丁猶浸灌小瓮亦自抱問許機事
忘何如漢陰老

寄題朱氏小飲園

吾聞滑稽兒避世向金馬刈草吉雲鄉探鳳荒城野斯

人翫世耳豈必高廬下牆東本僧牛君平蓋卜者朝市
亦堪隱山林實瀟灑君居占深源境物繁可寫老檜上
千雲孫桐亦拱把雨窗修竹響風磴寒泉瀉此翁少年
日射巧如注瓦百金裝寶刀千金買流赭晚歌紫芝曲
性情妙陶冶蒲履穀皮中何取綬若若嗟予亦曠蕩與
世自磊直方期訪桃源更欲結蓮社

劉苓軒

萬鍾辭屠羊五鼎貪主父是間多毒腊可茹亦可吐緬

懷陶隱居朝服挂神武餌苓期却老曠蕩適林莽我家
城西南有地一廛許開軒俯長松倒影廡庭廡嵌空宿
龍蛇晻曖藏霧雨流脂入地脉凝結歲月古長鏡白木
柄生事聊付汝想彼塵外人遲暮肯同煮但當捐兔絲
敢望擘麟脯

洪朋

春風

春風吹桃李欵然滿中園羣動不遑息蝴蝶紛飛翻我

亦感茲時步屨遶林間顏色豈不好持久良獨難置酒
休其下聊復罄餘歡君看桃與李成蹊亦無言

洪炎

遊都梁山

風吹古坂口雲滿都梁山執熱厭偈仄幽尋上孱顏清
泉似石乳滴瀝巖竇間乞此一瓢飲為祛千載煩山靈
知我意殷然下層巒散空作急雨抉石出甘泉一酌蕩
齒頰三咽縈肺肝輕軀變滯骨塵鞅思靈關來當踏雲

至去當御風還再拜謝神休幸汝不我慳

嶺雲

吾居半山上繞屋猶峻嶺舉頭即見之坐卧作牆屏忽
復不可求瀕洞雲萬頃初疑岸谷變身不踐人境俄頃
如故常突兀在屋頂隱見須臾間變態莫記省煙霞成
痼疾終日常炯炯早閱金丹訣未辦卜竈井世亂一丘
壑斯志或可逞鳴猿落空巖者鶴颺晴影石泉漱芳潤
草木皆秀整洞天有歸路未往心已領

朱長文

公堂置酒羣彥咸集作詩呈學中諸先輩且用
叙別

漢有都文學儒官所宗師雅圭雖歎滯鄧禹猶願為聖
朝興庠序內外振新規嗟余介且拙性與丘壑宜青衫
起泮水六見開辛夷經術聊辨惑文章非應竒羣英何
濟濟屈就董生帷講習良可樂敦學友相資但觀芹藻
長不卹鬚鬢衰忽傳大學命飛詔下天涯自省草茅賤

豈稱廊廟知親友頗敦迫黽勉趨官期平生好古心或
冀伸此時偶茲春奠畢將與諸生辭濁酒多如澠頌貺
自守麾鄉飲久不講禮意猶可追高閣蠹丹楹公堂煥
雲楣袞衣二百衆齒髮序尊卑邊豆儼在列鴻鴻來有
儀珍饗薦瑤觴雖醉尚肅祇式燕固云喜有行尤愴離
勉旃重勉旃修業戒荒嬉黼繡在德義金玉惟書詩豫
章生把拱羣木共歲蕤養之得其性自有凌雲枝又如
叨澮流不息趨天池居鄉為閔參得志慕臯夔當令竹

帛間炳炳令名垂

佳雨應祈因思昔年諸友作詩今再叙舊

晏侯昔為州歲旱慶霖雨夫君與方子吟思共清苦不
木輒繼聲玉石愧同處賡酬自邦君歌咏遍幕府開編
讀英詞風義恨修阻歷年屈指八閱守今已五

自晏後凡易五

守温温劉蘇州

謂夢得

揚仁美風土篇章極清新操行到

淳古去年掌膠庠幸此陰德宇遇君來自西暫作臯橋

旅謂公權

並游盍簪裾良宴陪尊俎辱顧眼俱青言詩多

見與近當庚伏間不雨病禾黍田乾如龜裂一溉勞遠
取如悞沴氣生望歲羣心沮園居雖閒曠何處逃蘊暑
使君憂憫深雩祀以時舉精誠禱祠下若與神告語隨
車油雲飛合境膏澤溥枯苗興膺原涸轍通別浦萬輪
水可激千笠草務去私禾與稔稻指期入我庾清暉登
谿山餘潤滿林圃中吳垂白叟買酒相抃舞埽石邀良
朋清風快談塵此時無一詩懽意何以叙朝家日隆平
二聖保基緒施仁塞天淵敷政皆堯禹舊臣留旦奭新

相拜房杜風和調舜琴俗厚空周圍銷變召太和協氣
應律呂吾儕夙承學嘉慶事親覩相期美康平復見頌
多稔

次韻送毛正仲太博赴召

馬周起布衣一日見紫宸獻言中機會數歲持衡釣歎
息慕前哲誰能繼清塵毛公東南美迴掩竹箭珍高才
與精識卓爾出天真論政明得失談兵到機神天戈討
梅山婉畫昔已伸一官遇賢守相與康吳民孰云芙蓉

幕人卧五色麟聖君馭羣材功業圖日新旌麾頗牧用
帷幄良平臻竒士求即至當世有偉人君今赴明詔亨
會在此辰夕發碧江外秋過清汴津彤庭敞神麗文陛
高嶙峋良籌上意合深策廟謨親功名少壯立富貴將
迫身我亦有志者卧疾松陵濱耒鋤代長鉞韋帶比華
紳高懷未遐棄荒徑枉朱輪纚纚聽君語懦夫氣益振
病騶觀逸驥舉首嘶鳴頻尚期居要路回光及幽淪

送魏君致遠之吳興并寄祝修中

庠中今多材燦若荆岫玉琢磨觀粹美尤愛魏與祝二
子幼相友共學橫山麓東書來泮宮美質異碌碌文詞
堪適用光瑩輕縑幅前年掇高選麗賦人爭錄吳興太
守賢好善下白屋貽書勤聘禮埽榻待英躅伯樂過冀
北所顧皆驥騄翩翩告別去舟泛苕溪淥南陔急親養
聊以奉水菽愧我不能留邕邕想鴻鵠良辰振六翮一
舉聳羣目雲漢期高翔稻粱非所欲

少章過吳門寵示淳夫子瞻唱和并惠山寄少

游之什俾余繼作輒次二公韻以寄之

懷友對華月身如匏繫何遙矜金玉音悵望江湖波憂
來誦三篇調饑餉嘉禾蘇范天下賢閱士歲月多憐君
似蘭芷長育瑤山阿良工得寶璧韞櫝加琢磨發為驚
人語九曲傾洪河蟠蜿寄短章浩蕩寫長歌一官得武
林萬景盡包羅又如彈響泉餘韻清且和籍湜師韓文
其則在伐柯俯視枳棘間翔鸞豈蹉跎聖朝頌聲作周
雖與商那二公具大用豈得歸岷沱

詠齋偶書呈子通無隱

夙志在蕭閒獲此遯幽跡喬林無冬春蒼藹異晨夕旁
窺疑好峯俯瞰驚峭壁浩然溪山興盡在陶潛宅杖藜
行水邊萍際湛空碧良魚不輕游弱羽猶自惜吟髭不
禁霜曉鏡見早白古人已深歎信是園林客遣累假禪
鋒陶情任詩格寄聲招友人來看庭前柏

劉弇

走筆登郭子隆勾稽

春歸幾何時綠林陰已滿蕭條子雲巷誰借吹噓暖常
日雙柴扉深局類休澣稚燕掠翩翩踈蟬弄淒斷擷芳
聊自娛任從食息懶疑疑棲鸞郎蝸居間三款兒童憚
逢迎應客事謾誕謝絕高軒榮祇增鼯鼠短賴君不我
靳殷勤接閭侃酸然梅雨天煩襟斗漣浣

送李侯朝散還任

西山閱今昔章水弄清泚雲罍插天半滕閣中隱起青
鴛千萬家湖光豁如洗鍾陵一都會信亦非偶爾君來

無幾何所得已倍蓰笑談送白日慷慨拾遐軌成詩殆
百篇天籟落凡耳事竣告還朝相送情何已悲歌一再
行杯觴覆蒼翠秋標拔孤雲鴻鴈思吾子

北禪水閣走筆

西風涼客衣弭楫滄江潯晚吾事瀟灑聊復此登臨雲
容不礙秋清樾有餘陰煩心洗東波寸目明遙岑樊籠
脫烏窟搖落弔蛩吟莽墟閱今昔長慨撫孤鐔故楚冠
劍盡物情幾浮沈懷哉歲將晏無為空滯淫持語朱陵

翁須以早抽簪

寄李彥弼端臣

吾生本何為筆墨代耨耒拂衣辭雲林偶與寸祿會隨
翔俗子後如垢不時饋幾欲臨紫虛標身飛鳥外時哉
不吾與歲晚怵顛沛炯炯平生心誰與論梗槩李侯西
南秀胸腹無留礙表表起孤韻回颿寫蒼檜筆挫三千
英壯甚敵王愾高寒若木枝直撫靈鼈戴前年帝王州
晤語早傾蓋欣逢少年客良愧晚晚態謂我文字工超

起到前輩去年清漳許經從不辭再高談破三鼓陰膽
掉百怪是時方窮冬瑟縮寂萬籟滕閣挂星斗嵌根眇
江帶慚非徐孺榻僅飽吳兒鱠忍為鴟夷笑恃有太白
在四騶馳頽年遺跡掃茫昧君今規壯圖吾轅方未改
青原心欲折合散幾煙靄空懷簡書畏未卜簪裾對翻
思謝客吟拾月弄雲海

留題王公謨沖閣

檐牙排青冥眺聽脫蒙昧居然人境寬魚貫出萬態坐

疑天機緘發露窮瑣碎圓清入鳥哢瀟灑送客慨脫中
晚吾來靜稱一榻對晚雲發高興勇欲決翦薈胡為淫
書史欲若嗜炙膾長年馬如狗埃塹顛毛改茲趣恐長
負蹠蹠依儕輩何當拾頽齡相與寄耨耒挽君醉鄉衣
枯肺時一溉

依師小軒獨酌

東籬粲佳英依約圓錢帖西渚傲霜貧瀟灑狡獪鬣居
然容膝地况與蓬丘接始余供煩使浪謂素意愜一當

駭物機局縮如跲摺客塵不制人脫去苦不捷誰謂一
日間跂倚發蹠躩椒漿灑玉漉蠹簡披往牒凡爾自忘
懷少復進專輒流年苦蹉跎念咎真脫葉皤皤彼禪客
趨尚未易躡正應發再駕萬念茲一攝

感寓二十首 錄四首

歲月忽其除颯焉悲凜秋商颯號晨林脫葉舞梧楸鳥
邊下白道木末揚寒流閨人促幽杼客子悵遠遊雲闊
眇天半俯景獨遲留陰霾掃不得千古空滄洲

蓬萊三神山夜夢游其藩宮堯黃金闕白玉羅九闔正
見王子喬卧把肘書緇顧謂方瞳人待我謁羨門揮觴
清露滋行庖肩瑱璠一酌祛滯念再酌洗冥昏三酌陵
紫烟列宿已可捫下觀人間世參差舞丘樊有客撫雲
璈長離眇飛翻送我若有情徂鑣儼長鯨悵望不得留
東窗已朝暾

嬈娟誰家子粲粲生輝光弄姿俯春蘭臨風振微芳秋
水揚清矚白玉雙明璫問渠家何許笑指南山陽去去

不輟軌况若游雲翔遙看入縹緲明月斷人腸

疾雷疑車音出門乃知非抱影長自明流螢炤霜幃羅帶剪秋水黃金縷春衣持看清夜闌慚非故時輝食葵心知傾如蠟腸虛肥纂纂東下歌惜此歲月違因聲勸語儂勿復遲遲歸

我行

我行適東陂野色若可寡問津初無從強驅良苦鞭三濡貯客潦冉冉吞吳天故壘何崢嶸荒涼非昔年虹腰

截海堰蜃氣噓空煙霜封百草乾回風時颯然狐兔死
欲盡饑鷹空老拳邛樹行人稀落日下烏鳶敗荷古毳
衲野菊金連錢羈懷自騷屑節物驚徂遷投暮僧舍中
誰者同留連

李宰新成假山

夫子絕俗姿趣尚豁雲海花移洛下品池割天潢派中
間疊嗟我石手紛磊磊功侔一簣始正爾臨爽塏羅浮
窮南勢迎目出巧怪洗昏新罅發秘匿若有待騫騰天

吳揖聳削虬尾擺當頭七八峯縹緲散青靄直下三四
溪何年取東匯洞指白鹿迷路認桃源改時時攻冥煩
瀟灑遞天籟得非緣夜半提挈有真宰俗物卑培塿高
標想衡岱我家香爐傍登躡素心在一從羈官綴未省
識畝鬼俯窺攬雲骨逸興幾十倍無為議真假自可蠲
塵浼何日升君堂把酒取一快

張商英

香林院

瑟瑟松上風冥冥竹間露窗虛草色寒石仄蒼苔古長
廊寂無人殿閣下鈴語此意兩蕭然傍徨不能去

鄒浩

寄樓謙中

三年客揚州鄙吝與誰晤美人海上來青眼獨余顧荒
涼弔遺蹤每每參杖屨敗意無俗物欣快平生遇陶丘
今杜門習嬾殆成痼塵尾挂壁間琴書自朝暮匡山正
倚天枕漱實幽趣清壯增筆力重規謫仙句相逢越千

里款段不獲馭何當繼疇昔把手論情愫惟有月下桐
秋聲已如故

次韻醇中見寄

此身風中蓬飄飄落西豪

穎昌有西豪里

所向不膠漆杜門天

自高坐懷平生友皎皎眉間毫書隨鵲聲來厚我逾綈
袍如何東野鳴亦復追離騷彼蒼久已均後佚須先勞
試看刀筆微他日猶蕭曹麴蘖正多事要在舖其糟勿
謂伯樂死轅下終竒毛况乃掣電中幾許堪遊遨展江

涵清空春光集漁舸命駕才數驛慰此心怵怵呂安何
人斯君首無徒搔

韓園

春風挽我出邂逅陪友生濱湖足勝事繫馬聊班荆疎
柳傲清淺孤芳媚晴明禽哢雜魚躍日轉無人行此間
已深趣繼踵仍高情犀局自勝負玉軫誰虧成盈樽不
在飲會意時一傾豈減七賢游亦云四者并如何渺茫
外忽起絲竹聲未暇從爾為目斷陁山橫

次韻德符訪世美

秋晨飯香積舉袂清風生
竭來展江道老木森亭亭
纖埃不隨步昨宵寒玉零
人境兩相值簡編煥清晴
遷固久黃壤椽筆窺羣英
崔子獨異趣一笑鉛槧輕
詩成似金籥為我開塵扃

馬叔寶寄種竹詩次其韻

窮年不揮斤歎息無妙質
誰知深眇中環堵以為室
紛華如萬牛力挽未曾出
論交餘此君聊為拂巾櫛
人間

方好竽蕭蕭乃鳴瑟茲焉得所投陳雷信難匹昨來面
牆心舉倡有風日莫似白樂天殷勤在兜率

次韻韓君表雪中感懷

龍衣不解顏憂民向來急天高委真符年豐兆原隰連
山水氣昏過雲鴈聲澀先春凌馬奔投隙作塵入瀕竹
乍蕭蕭驚風還汲汲頗輕花鬪狂肯共雨爭濕夜半迴
曉光木杪森鵠立開編適我心鼓柷輟清集一飽倘可
償萬事非所及想見秋稼前腰鎌荷青笠

與德行仲孺述之宿南堂分韻得客字

從容白露前轉盼一歲隔念我方促裝夫君復來客疎
篁生晚音霽月淡秋色此會豈易諧未用詢長陌

再宿南堂分韻得星字

夕雲不成雨冉冉東南征涼月挂河漢鮮風起堦庭蛩
韻響新織螢光駛流星誰知亦有念夙駕在青冥

與節推李師益遊谷隱習池

無心一何求無垢一何洗與子入山來放脚東風裏巖

根初著花溪水半流水一笑真偶然松聲為誰起

嘲仲益

春時殖蘭甚勤比新東軒遂悉鉏去或
者譏笑則曰予將易竹於此作此戲之

低簷廕茅竹陋如野人居夫子莞爾笑曰此真吾廬庭
前鬱喬木庭後猶榛蕪芟隨手淨春蘭殖扶疎光影
動窗几馨香襲文書皎然紉佩心邂逅同三閭爾來基
構新百事凌往初突兀煥華屋茅竹掃莫餘雙楠庭之
珍斬伐殊榮枯要使碧油幢特立當階除念念入勲業
不與蓬華俱蘭雖不生門安能追誅鋤剖琴如剖薪烹

鶴如烹魚珠玉抵飛鳥罇鐘委洪爐逝矣覆轍存來車
猶此塗尚欲取修竹永以娛朝晡問竹竹無言冷風一
虛徐

劉安上

歲寒亭

茲亭予所作再到異疇昔江梅老半枯檜柏春逾碧易
名為歲寒表此蒼翠色森然一徑幽步屨時取適

清漣亭泛舟

高樹環清池波平春正綠移舟近南岸倒影見華屋危
橋屬修徑幽思生遠目更登狎鷗亭可以忘寵辱

蘇過

小雪

沈沈五侯居碧瓦映華棹獸炭麒麟紅銀瓶黃封揭春
風遶幄帳醉面生綺纈賜宴明光宮玉色迷金闕誰憐
華門士破壁穿飛屑

毛滂

秋日書懷

秋日吐微明寒葉墮半碧娟娟竹弄影冉冉香引脉窗
明棊几淨水石溜虛白茶開睡足眼苔上嬾行屐屋寒
無燕雀豈獨少賓客顧我警露友佇此遼天翮相對雖
不言孤高比三益邇來世外心漸覺眼界窄兒時喜功
名今念真戲劇平生翻羹手欲爛誰能爨豈待二頃田
初無一厘宅第當營糟丘努力期百尺頽然寄疎慵坐
看駒過隙韓郎食不足苦心定誰惜那知落英繁吾食

豈無夕舉手謝飛鳶一鼠何勞嚇

鮑慎由

雨餘

礎潤雨欲作好風每相先蕭蕭清入簾令我心灑然閉
門倦永夏枕書日昏眠快此風雨餘端如濯飛泉空山
有佳趣草木更幽妍井華養文石香篆橫雲煙俯仰方
丈間勝事亦可憐永懷觸石子我勞良獨賢

唐庚

春日雜言

庭前楊柳枝春來蔚然綠老翁鬢邊青已去不可復舉
杯屬春風此理竟如何轉首飛楊花春風自蹉跎

送趙元思司法

誰不從王事夙夜獨匪懈休沐猶坐曹伏日不歸解平
生熟大法餘事止小楷自稱霹靂手作縣真癩疥董宣
雖強項臨事中實駭從君學吏禮稍稍識起拜今當告
別去何以贈行邁二十罰自親此理須少戒

與舍弟飲

溫酒澆枯腸戢戢生小詩詩中何等語酒後那得知黃
菊遂行邁徑去不復辭拒霜猶屈強其勢何能為但問
酒有無勿計官高卑江邊捕魚郎教我當啜醜

白小

二年遵海濱開眼即浩渺謂當飽長鯨餬口但白小百
尾不滿釜烹煮等芹蓼咀嚼何所得鱗鬣空紛擾向來
巨魚戲海面橫孤嶠噉喙噴飛沫白雨散晴曉終然不

省錄從事此微眇短長本相形南北無定表泰山不為
多毫末夫豈少詞雄兩月讀理足三語妙人生一漚發
誰作千歲調安能蹲會稽坐待期年釣

黃裳

湖上閒賦

錢塘吳之雄西湖乃其貳晴虛混高下寒光隨蒼翠俯
仰悅澄澈融結會幽邃日月司晦明煙雲管開閉樓閣
生有無塵凡換竒異素靄俄包藏物象已非二中有虛

一子四顧銀色世雲罅漏餘晷稍盛却陰翳遽回天漢
明收攝何所置近影認遙碧故態獻新媚振羽鷺初起
一葦出天際大巧現竒畫人觀發幽思杖履秋林深絃
管春波細名字人不知間藏洞霄吏

雀鷗

醱醱依柏引蔓上冒其顛

春風亦已老自厭丹采媚獨留白雪花灑此千尺翠嵯
峩籠珠冠縹緲冒佛髻幽香勿襲人恐為真色累但願

保明姿終日奉清對要之萬物夥污潔自有類

江月圖

冥冥一葉輕不知水與天獨於浩氣中仰見素璧圓超
然狂道士起視清夜闌自拈白玉笛吹此江月寒想當
萬籟息逸響流空烟我從江海來形留意先還何當買
魚蓬追此水墨仙

倪濤

次韻毛達可給事秋懷念歸

結茅遠人邨破屋水半扉涼葉墮清響空山轉斜暉微
官卧江漢素心久依依十年天涯秋搖落幾芳菲馬蹄
歲月去蝶夢東南飛平生丘壑志有言輒乖違不如孤
征鴻春風自知歸

方元修

奉同程致道著作次鮑溶冬成答客韻送趙叔
問奉議歸南都

清秋不相借白髮日更多塵埃困煩促原野懷經過聊

當倚滂潤資以生吾禾豈不念離羣驚鵲寧擇窠王孫
別都去淡若依松蘿暫別亦復難賡詩飲無何我行那
爾爾渺渺踰江河賸須作佳句相我滄浪歌

楊時

土屋

土屋枕荒陂周回僅容席環堵異營窟猶遺古風質功
雖勞版築身自有餘力依戶鑿圓竇寒光度如壁戶開
迎溫風冬瑾可棲息胡為棟宇麗但免風雨厄安居自

寬暇見者徒偪仄寄言鄰舍翁各自適汝適慎勿慕華
屋澆漓非至德

久不得家書

歎彼晨風飛日暮歸鬱林游子尚何得但寄千里心庭
闈班白親憶念我亦深云何彼無耗徒役夢寐尋有如
在空谷歲久想足音竹編一行書貴可抵萬金踟躕步
前庭復坐口欲瘖淚墮不自知但覺盈衣襟人生本無
待豈受外物侵歸當卧牛衣竹籜橫荆簪

藏春峽二首

結廬東山阿屹然俯全閩下有黃龍淵浮光抱層雲彼
美谷口翁杖策來往頻明月自為友顧影相為鄰擷芷
佩芳蘭不與麋鹿羣虛堂發輝素黃卷日相親采薇芼
晨羹弋鳧侑清樽曝日負巖竇為童浴溪濱微吟曳雙
屐踏破青苔紋歸與自樂只此意將誰論點狂聖所與
聊欲繼餘芬

昔君居隱麟投竿拂珊瑚今來寓谷口結亭事春鋤亭

下十餘畦蔚蔚富嘉蔬野果銜朱蕤蔓實垂青桴籬根
有蹲鴟晨炊勝雕胡豈惟充君腹鄰里亦厭餘疏泉動
地脉磽确成膏腴諒彼漢陰人假修匪吾徒避俗柴桑
翁不復歎荒蕪卷懷經綸手治此一畝居知子非隱淪
聊以寓壯圖人生出處分禮義安可踰茲謀異樊須甘
事小人儒

縣齋書事寄張世賢

朝衙羣吏集戢戢同隊魚暮衙羣吏散翩翩若驚鳧歸

來坐虛室開編對璫璣啓戶聞無人清風入吾廬持盃
邀明月大嚼時與俱跼蹙步松陰對影聊相娛嗟予懶
惰久闊畧與世疎故人隔清湘懷抱何由舒為問魯山
翁此意今何如

題愚齋

溪東
黃室

結廬依林丘回峯爭盤紆下闕清池淵憑軒數游魚飛
閣出雲表浮烟襲簪裾中有傲世士脫畧自謂愚高義
輕簞金貽謀有詩書青編富充宇散帙羅瓊琚鱗鱗壁

間題一一露珊瑚嗟予久昏塞荒蹊少耘鋤昌黎已隔
世將焉問夷途道逢北山公荷插時與俱皎皎河曲叟
朋儕共欹歔高齋一來遊豁然心神舒籬東有餘址誰
能難榛蕪結茅可容席一瓢來此居寄謝陶彭澤何必
愛吾廬

江上晚步

鏡潭磨青空璧月浸江淥攬衣弄清泚炯炯月在掬冷
然適我口肝膈貯冰玉流光頃百變一翫不可復歸家

盡餘樽醉卧媚幽獨
義娥偶相憐歲往如破竹
餘生枕上付勿問黃梁熟

送鄭季常赴太學正

驅車出西城卷言與君違
北顧臨康衢問子將焉之
赤驥度渥洼終當飲瑤池
成都九軌道一躍不可追
浮塵暗荆棘捷徑行多迷
長風戰秋林零露沾人衣
青松不改柯期子清霜時

次韻何吉老遊金鑾寺

榮名嗟何為病木自生癭彭殤一夢覺烏用論久頃寄
身淵明廬儵然在人境衛生鄙樊雉放浪任流梗相忘
到形影世累不須屏剡鍼聊自營寧復事干請負暄有
餘燠蓬鬢亂垂頸客來坐無羶誰顧廣文冷忽聞過吾
門冠履不暇整邀我招提游並轡相與騁僧關叩禪寂
未語心已領並游皆韓徒詞办淬鋒穎多聞富如坻吾
方拾遺秉顧慚管窺陋未覩豹文炳謬追俊游後如渴
得甘井願從借金鏡為割眼中青鼻端堊漫久妙斤愧

非郢賡酬困詩律恐坐杜陵瘠相攜上層岡出戶畏深
窵每虞參也魯跬步輒三省遲回月初上雲間挂金餅
昏鴉鳴相呼更覺林逾靜湖光湛星漢渺渺天水永歸
蹊暗塵土回首失清景角聲下譙門歸步怯修嶺晚市

人迹稀青燈耿疎影

金鑿有退之題名
故有韓徒之句

送趙循道赴都講

南陵人

鳳山鬱崔嵬下有千頃陂

南陵鳳凰山大
農陂溉田千頃

峻極不可攀

浮光亘長鬢晦冥滴風雨澄淡含環竒呼吸入君懷萬

態羅心脾吐辭麗金腹煥若星斗垂竭來荆渚游紅蕖
照清漪故宮久零落一灑增餘輝惇族貴老成堯言下
丹墀浮驂駕雲帆眷然成仇離長裾曳王門豈比困鹽
虀驂騮踏長阪萬里誰能羈

送向和卿還京

江湖多秋風愴怳夜不眠念子將北歸起視明星懸君
平翠蚪姿聳身蒼梧淵高步隘八區凌風上青天妙質
蘊荆璞寧須事磨鐫贈言以為別妄意追前賢聖言乃

常珍含咀直味全奇辭暫時好過眼如飛煙潔身忌廉
嶮觸物宜虛船吾方病羸爾市藥還自憐明日隔長陂
相望空惘然

哀鴻

哀鴻常苦饑悲鳴垂其翼朔漠曉霜寒江湖晚煙冪乾
坤一網罟高飛亦何益日暮無與羣驚風暗沙磧

張繹

寄友人

有客厭事事潔身山之幽寒暑不相貸乃有卒歲憂有
生此有事簡之成贅疣澄江本無浪不如信虛舟六經
力道要無以利心求一朝與理會萬境真天遊伊水正
清冷子行無滯留西風昨夜至送子馳中流落月灑殘
夢已著古崖頭我病強送君是行良難儔異時青門下
誰識東陵侯

御選宋詩卷十五